



# Vischnaunca da Breil

## Uorden disciplinar



## Scolas Vischnaunca da Breil

Cuntegn:

I. Disposiziuns generalas .....	2
II. Disciplina en scola .....	3
III. Puniziuns disciplinaras, cumpetenzas, procedura .....	3
IV. Disposiziun finala .....	6

# Uorden disciplinar dalla Vischnaunca da Breil

Sebasond sin art. 55 dalla Lescha da scola cantunala dils 02-03-2012, sin art. 54 dall'Ordinaziun tier la lescha da scola, sco era sin art. 12.<sup>2,13</sup> digl Uorden da scola dalla Vischnaunca da Breil, relai il Cussegl da scola il suandont uorden disciplinar:

## I. Disposiziuns generalas

### Art. 1

Ensemen cugl uorden da scola duei igl uorden disciplinar gidar da contonscher in menaschi da scola che lubescha da luvrar, scolar e sescolar a moda efficienta ed emperneivla.

Intent

### Art. 2

Igl uorden disciplinar vala per tut las scolaras e tut ils scolars dallas scolas dalla Vischnaunca da Breil.

Valeivladad

## II. Disciplina en scola

### Art. 3

<sup>1</sup> Scolars e scolaras han da secuntener vicendeivlamein a moda discreta e tolleranta e tralasar remarcatas offendentas. Ils scolars sedeportan andantamein denter els, enviars scolasts, autoritads da scola e persunal da scola.

Reglas da secuntener

<sup>2</sup> Las directivas dils scolasts, dallas autoritads da scola, dil persunal da scola e dils manischunzs dils bus da scola ein d'observar.

<sup>3</sup> Ils scolars duein evitar tut quei che disturba il menaschi da scola.

<sup>4</sup> Senza lubientscha dils scolasts eis ei buca lubiu als scolars da bandunar il plaz scola enteifer il temps da scola.

<sup>5</sup> Ils temps da scola ein d'observar strictamein.

### Art. 4

<sup>1</sup> En tuts baghetgs da scola duegien ils scolars sedepurtar bein ed haver quietau dils indrezs en las localitads e sils areals da scola, sco era dils urdeins e dil material da scola.

Localitads, indrezs, urdeins

<sup>2</sup> Las reglas da casa ein d'observar.

### Art. 5

<sup>1</sup> Per ils scolars dil vitg el qual la scola vegn tenuta ei il viadi da scola da far a pei. En cass motivai sa il cussegl da scola far excepziuns.

Via da scola

<sup>2</sup> Ils scolars che frequentan la scola en in auter vitg cureschan cul bus da scola.

### Art. 6

Sigl areal da scola ed a caschun dad occurrenzas da scola ein mieds che donegian la sanadad sco fimar, il consum da bubrondas alcoholicas ed energeticas e prender drogas scumandau strictamein als scolars.

Products da consum e mieds toxicogens

### Art. 7

Sigl areal da scola ed a caschun d'occurrenz da scola vegn tolerau negina violenza, ni fisica ni psichica.

Violenza

### III. Puniziuns disciplinas, cumpetenzas, procedura

#### Art. 8

<sup>1</sup> Surpassaments enviars igl uorden disciplinar vegnan puni cun reprimandas, lavurs per castitg, arrest ni cun lavur speciala sut survegionza.

Puniziuns disciplinas

<sup>2</sup> Duront igl arrest e la lavur speciala stattan ils scolars sut survegionza.

<sup>3</sup> Il cuoz maximal pigl arrest e per las lavurs specialas munta a 4 mezs dis per cass.

#### Art. 9

<sup>1</sup> Il scolast da classa ed il menader da scola san ordinar ina reprimanda a bucca ni a scret, lavurs per castitg ed arrest entochen in miez di per cass.

Cumpetenzas

<sup>2</sup> Il cussegl da scola sa ordinar tut las puniziuns disciplinas.

#### Art. 10

<sup>1</sup> Specia e circumstanzia dil surpassament disciplinar ein da sclarir. Il scolast ei da tedlar.

Constatar il causal, udida da drete

<sup>2</sup> En cass nua ch'in arrest survarga in miez di ni nua che ina lavur speciala sut survegionza stattan en damonda, eis ei da tedlar ils geniturs respectiv lur representants avon che prender ina decisiun. La decisiun ei da comunicar ad els a scret cun aschuntar ils motivs.

#### Art. 11

<sup>1</sup> Encunter decisiuns da castitgs disciplinars tras il scolast ni il menader da scola sa vegnir fatg recuors enteifer 10 dis dapi la comunicaziun al cussegl da scola. Quel decida definitivamein.

Recuors

<sup>2</sup> Encunter decisiuns ch'il cussegl da scola pren sco emprema istanza sa vegnir fatg recuors al departement d'educaziun enteifer 10 dis.

### VI. Disposiziun finala

#### Art. 12

Quei uorden disciplinar entra en vigur cun l'entschatta digl onn da scola 2014/2015. El remplazza igl uorden disciplinar dils 14-11-1996.

Vigur

Approbau en la seduta dil Cussegl da scola dils 15 d'avrel 2014.

La presidenta

Il menader da scola

*Daniela Seiler*

*Michael Friberg*